

Gobernador di Aruba a ricibi reconocimiento ‘Honor pa Merito’

Dia 26 di januari Gobernador di Aruba su excelencia F.J. Refunjol a ricibi ‘Honor pa Merito’ for di man di Minister di Defensa di Reino Hulandes señora J.A. Hennis-Plasscher

E Minister di Defensa a splica den su speech e mo-



tibonan special pa e reconocimiento aki na Gobernador pa su meritonan den e ultimo diesdos añanan. E Honor pa Merito expresa den un medaya di oro a wor-



do otorga na Gobernador pa e siguiente motibonan: “Su participacion grandi y leal na interes di Defensa den e teritorio Caribense y na Aruba en particular. Maneho

di Marinierskazerne na Savaneta semper a sinti nan mes sosteni pa su persona. Banda di esey, e forma con semper el a expresa su mes tocante e presencia militar riba e isla

a haci un influencia positivo riba e imagen di Defensa. Tur e cosnan aki sin mas a contribui na e estabilidad di e teritorio unda cu e personal di defensa por a eherce nan tra-

bou. Como consecuencia di esaki, e personal di Defensa manda di afo y nan famianan, por a integra cu facilidad den e comunidad Arubiano. Señor Refunjol, teniendo na cuenta lo cual a wordo menciona ariba, y den su calidad di Gobernador di Aruba durante diesdos aña tabata tin



un parti substancial di balor y un participacion aprecia den e funcionamiento di e organizacion di defensa y e bienestar di su personal na Aruba”. □